

Izbor predškolskog razreda Val till förskoleklass – bosniska/serbiska/kroatiska

Da li svi šestogodišnjaci moraju da idu u školu?

Da. Školska obaveza važi od jesenjeg polugodišta one godine u kojoj dijete navršava šest godina. To znači da je predškolski razred obavezan.

Da li moram izabrati u koju školu će moje dijete da ide?

Sva djeca koja su uvedena u matičnu evidenciju u Geteborgu imaju zagarantirano mjesto u nekom od naših predškolskih razreda. Međutim, slobodni izbor škole znači da vi kao staratelj možete zatražiti tri škole u koje biste najradije da vaše dijete ide. Ako ne podnesete molbu, Vaše dijete će dobiti mjesto u školi u blizini kuće (u okviru od oko dva kilometra od adrese na kojoj je dijete uvedeno u matičnu evidenciju).

Kada birate predškolski razred takođe birate i u koju osnovnu školu želite da dijete nastavi kada krene u prvi razred, jer vaše dijete tada dobija prednost.

Kako da podnesem molbu?

Možete podnijeti molbu putem e-usluga ili obrasca na www.goteborg.se/valjaskola. To se odnosi samo na molbe za općinske škole. Ako želite da Vaše dijete ide u nezavisnu školu, obratite se direktno toj školi. Nezavisne škole imaju svoje procedure podnošenja molbi.

Kada moram podnijeti molbu?

Možete poslati vašu molbu između 15. novembra i 15. januara. Važno je da ispunite sve podatke koji su obavezni. Ne zaboravite da provjerite da li su svi podaci tačni prije nego što pošaljete molbu.

Kada ću saznati u kojoj je školi moje dijete dobilo mjesto?

Tokom 9. sedmice Uprava osnovnih škola šalje sve obavijesti o prijemu. Tada ćete putem pisma saznati u kojoj je školi Vaše dijete dobilo mjesto. Kada dobijete obavijest o prijemu, važno je da obavijestite Upravu osnovnih škola da će dijete ići u onu školu u kojoj je dobilo mjesto. Takođe morate obavijestiti Upravu osnovnih škola ukoliko je dijete dobilo mjesto i izvršit će školsku obavezu u nezavisnoj školi ili u školi u drugoj općini.

Kome se mogu obratiti za pomoć?

Možete kontaktirati ured za građane u vašem dijelu grada ili telefonirati Upravi osnovnih škola na broj 031-365 09 60 ili poslati e-poštu na grundskola@grundskola.goteborg.se.